

L'ARRIVEE  
DE L'ARMEE  
D V R O Y,

Deuant la ville de Montauban, avec  
trente mille hommes.

*Et les furieux.escarmouches faictes entre  
Monsieur le Duc de Mayenne,  
& les assiégez.*

13



A P A R I S,  
Chez ABRAHAM SAVGRAIN,  
M. DC. XXI.  
*Avec Permission.*

LIBRARY

DEPARTMENT

OF THE


39

326

162/22

THE NEWBERRY  
LIBRARY





# L'ARRIVEE DV ROY,

*deuant la Ville de Montauban,*

*avec trente mille*

*hommes.*



E fut vne grande & raisonna-  
ble terreur pour  
les villes & pla-  
ces circonuoisines d'Al-  
biac d'auoir veu vne si iu-  
ste punition faicte de la  
plus detestable perfidie  
qui se soit iamais ouye ;

aussi pour l'apprehension  
de la iuste poursuite des  
armes de sa Majesté, les  
villes de Negrepelisse ,  
Caussade , & autres des  
environs de Montauban,  
se sont sagement renduës  
& sans aucune contrarie-  
té à l'obeyssance de sadite  
Majesté, ouurent les por-  
tes à toutes ses troupes,  
les logent, les hebergent,  
& le Roy ne permet pas  
qu'il leur soit faict aucun  
tort , ny qu'ils prennent  
aucune chose de leurs ho-

ftes fans payer : comme  
auffi pour celles qui fe ré-  
dent a fon obeyffance, fa  
Majefté n'entēd pas rien  
alterer de leurs libertez,  
voulant maintenir fes E-  
dicts, & punir feulement  
les rebellions de fes fujets.  
Il ny a donc tantoft plus  
que Montauban, qui a  
maintenant le bouquet  
fur l'oreille, & fe refoult  
de tenir contre les armes  
du Roy.

Faut remarquer avant  
toutes chofes, que ceux



de ladite ville de Montauban auoyent vn Capitaine de guerre, appellé le sieur de Veilles, bon soldat, homme de grande conduicte & courageux, cestuy-cy vouloit commander aux gens de guerre, comme il est de son mestier, & le peuple aussi, luy qui n'auoit pas accoustumé d'estre commandé d'une populace, & ceste populace qui ne scait que c'est d'obeir à vn chef dans leur ville,

les à quittez, s'est rendu  
volontairement au Roy,  
& a esté trouuer mon-  
sieur le Duc de Mayenne,  
pour estre employé au  
seruice de sa Majesté.

Le peuple de Montau-  
ban ayant perdu ce Capi-  
taine, ont mis vn Ber-  
nois en son lieu, avec le-  
quel ils ont resolu de sou-  
stenir le Siege, asseurez  
qu'ils sont de sept mille  
hommes de combat, qui  
sont enfermez avec eux,  
& de vingt bons canons.



Mais la diuision qui est forte entre les habitans, causera la perte d'icelle place, & croient les plus sages, que par force ou autrement, la fin du mois de Septembre prochain ayant Dieu, verra la fin de ce Siege, qui sera veritablemēt fort & furieux, car la resistance y sera opiniastre, mais aussi seront-ils assaillis asprement, & de grande furie.

Le Roy voyant leur opiniastreté, s'est finalement

ment resolu de faire à bon  
 escient inuestir & assie-  
 ger la ville, s'est faisi des  
 passages les plus impor-  
 tans, tant de la riuieré que  
 autres endroicts, où ils  
 pourroient attendre, &  
 esperer quelque sorte de  
 secours & assistance.

Le dix-neufiesme iour  
 du présent mois d'Aoust,  
 sa Majesté qui estoit à  
 Moussac, s'enestant par-  
 tie, est arriué à Quicot  
 qui est environ trois  
 quarts de lieues proche

dudit Montauban, & a  
 faiet commandement  
 d'assieger la place, ayant  
 pour ce faire vne armée  
 de plus de trente mille  
 combattans, tant de l'ar-  
 mée qui le suit, que de  
 celle de monsieur le Duc  
 de Mayenne, & du secours  
 de Thoulouse, braues,  
 vaillans, courageux, & re-  
 solus de mourir ou d'em-  
 porter la place.

De Thoulouse sont sor-  
 tis quinze pieces de canõ,  
 avec des poudres & mu-



nititions pour tirer huit  
mille coups, y en restans  
encores trois fois autant  
dans l'Arsenal de la Ville  
pour le seruice de sa Maje-  
sté. De sorte que la place  
doit estre battuë de qua-  
rante pieces de canon,  
nombre suffisant pour de-  
manteler ceste ville rebel-  
le, & pulueriser tous les  
edifices d'icelle: si ceux  
qui sont dedans ne re-  
quierent de bonne heure  
la grace & la misericorde  
de sa Majesté.

Pour garder les aduenues plus aduantageuses au secours qui pourroit suruenir aux assiegez de la part de quelques vns de leurs chefs, sa Majesté fait tenir monsieur le Duc d'Angoulesme avec huiet cens maistres, & deux mille hommes de pied du costé d'Albigois, pour tenir de ce costé le passage de la riuiera du Thar & s'opposer à l'arriuée de monsieur le Duc de Rohan, que l'on tient leuer



quelques troupes au pays de Rouergue , pour le secours & assistance des asiegez de Montauban.

Les ennemis font de tres-grandes & furieuses forties, & tirent sans cesse sur les gens du Roy, & y a eu de tres-fortes & tres-rudes escarmouches faites entre les nostres & eux.

Monsieur le Duc de Mayenne qui conduit vne partie de l'armée Royale, les a fait beaucoup de fois

renter plus viste qu'ils  
n'estoient sortis', & à la  
derniere sortie qu'ils ont  
faict, qui fut le Vendredy  
vingtiesme du present  
mois se fit vne escarmou-  
che si furieuse, qu'il en de-  
meura vn bon nombre de  
part & d'autre, mais en  
fin eux ne pouuant resi-  
ster au courage dudit Sei-  
gneur Duc, se renferme-  
rent en grande diligence,  
& quoy qu'ils saluassent  
fort dru les nostres avec  
leur Canon, cela n'empef-

cha point que mondit  
sieur le Duc de Mayenne  
ne se logeast sur le bord  
du fossé de la ville, & y est  
demeuré en despit qu'ils  
en ayent eu.

Ceste premiere ardeur  
les a tellement effrayez  
pour auoir fait vn tel ex-  
ploict en moins de rien,  
que cela les fait ja appre-  
hender quelque mauuais  
sucez de leur resistance.

Il n'y a place à deux  
lieuës la ronde dudit Mō-  
tauban qui puisse donner



ialousie ny soupçon à l'armée Royale, tout est à l'obeyssance du Roy.

Ceux de Tholose sont pleins de grande affectiō & bonne volonté pour le seruice de sa Majesté, prests de l'assister de toutes leurs forces, & croit-on asseurement que par tout le haut & bas Languedoc il n'y a ville ny place forte qui vueille ou puisse resister au Roy, ce que Dieu ne vueille par sa grace.

FIN.

